

Ata "Choncho" un biaha mas!

ORANJESTAD(AAN):

Choncho a pone riba mercado su di dos CD di cah'i orgel. Un CD cu ta contene 8 piesa cu ta varia den ritmonan di fox, joropo, wals y tumba.

Na 1998, el a lanza su prome CD di caha, pero e biaha aki, e mes ta compaña su cah'i orgel "**Masiduri**" riba cuatro y baho.

Mathilda Paskel ta toca e caha y Marcelo Vrolijk ta toca wiri.

Choncho ta di cuater persona na Aruba y den Caribe cu por aregla y calba pieza di cah'i orgel.

E prome tabata Rufo Wever, q.e.p.d., e di dos ta su ruman Alphonso "**Buchi**" Boekhoudt, di tres ta Alejandro "**Patan**" Farro.

Den conversacion cu Choncho, el a duna di conoce cu no tabata facil pa e por a aregla, marca y claba pieza. "**Mi me-**



ster a pega hopi barco, prome cu mi a pone e prome nabega corecto", el a splica.

Masha gratitud e tin pa su ruman "**Buchi**" cu a guie, apoye y dune curashi pa e por a produci e CD.

Riba e CD por goza di e wals "**Recuerdo Bone**", tumba "**La gente averigua**", di Rufo Wever e wals "**Dushi Aruba**", di Soeur Soufriere e fox "**Dominique**", di Astrid Geeman, e wals "**mi unico amor**", di Rufo Wever tambe e wals "**Dulce Sueño**" y e tumba "**Zoje Zoje**", y por goza ademas di e tumba "**Mi Dalia**".

Chocho a haya e empuhe y estimulacion necesario pa sigui produci cilindernan. E tin 4 claba caba y e pasonan pa sigui claba pa nos trahadornan di caha ta grandi su dilanti pa sigui produci ademas mas CD pa por sigui saborea "**e arte sin igual cu**

a bira un toke folclorico" mas di nos Arubananan di tur tempo", manera Ito Tromp a bisa presentando e CD.

E CD ta un preciosidad y su



titulo "**Aprecia nos folklor**" ta suficiente pa pidi tur amante di caha pa busca un di e CD nan aki pa nan coleccion.